

Hoavda Leif Jakobsson

Svenska kulturfonden

Svenska kulturfonden peä'lest haa'lääm šiõgg miõlâst äi'sted Aanar cerrkav siid, tä'bbe sää'mkultturkõõskõs Sajoozz ää'veempei'vven. Äi'stumuužž mâ'nne sää'mnaroo'de tän tij odd vaadšem, kulttur, škoou'l'jem da siltteem kõõskõõzz ää'veem diõtt.

Tät arkteknolanji fiinâs obbvuo'tt puä'tt lee'd raavâs raamm saa'mi da vuu'd jee'res aazzji tuåimmjumu'šše.

Lää'ddjânnam ruõcckiõllsaž narod lij historlaž mäai'ni diõtt vuäittam tuåimmjed jiijjâz päai'kest da tõi peä'lest noorõõttâd , tuåimmjed õõutsââ'jest, raajjâd õhttoõzzid, ââ'nned kulttuur, tõi vuäittmõõžžin, što lää'ddruõccvuõtt veâl tän peei'v še, lij bie'kk mij jânnam määngpeällsažvuõtt da tarjjad vääjtõsmäinnsaid vuei'nnemvue'jjid.

Tä'bbe rämmšõõttve'ted odd fiinâz kultturkõõskõõzzed, leâ'sa tie'tve'ted, što tâ'lk seei'n jiâ ri'jte, põrtt jeäll emansa ko tõi'st lij tuåimmjumuš. Plaan, koid leä'ped plaanääm põört tuåimmjemvuõ'tte liâ šiõgg da täävtõõzz liâ ärvvsânja pâ'jjen – šiõgg näai't. Leâ'sa 4700 čio'kke vuällai põört õõlgtē personkää'dd, što tuåimmjumuš vuäitči jättjed kuddnalla, näai't jõnn pirrõõzzâst.

Svenska kulturfonden haa'lad vuässõõttâd näkam õhttsažtuâjjveäkka da odd kultturkõõskõõzz tuåimmjem alttempo'dde tarjjeel personresuurssid põört vuõssmõs tuåimmjemekka. Jurddân lij u'vded vuäittmõš nuõ're, ruõcc- le'be kuei'tkiõllsa puârast škoou'l'jum persoo'ne, miõdtum veä'kkie'ggin, tuejjeed tuâi Sajoozzâst, bie'kken põört õhttsažtuâi õõut ee'jj äi'ggen. Haa'leep tännalla tue'rjjeed sajoozz. Tuäivvmõššân lij teâdast, što veä'kkie'ggin vuäžžai puätt määusat da pohtt mie'ldd tobddmõõžžid da teâd sää'mkulttuurest, ko'st su'ne le'čči personnalla rämm, leâ'sa koon son vuäitt jue'kked še järrsivui'm.

Sajoozz teâdtõõzzâst põört e'tkkeeđ määngkultturvuõd kaaunõõttâmpai'kken. Muu miõlâst tõi lij vääžnai, što sä'mmla da lää'ddjânnam ruõcckiõllsa ve'kka oudâs odd kontakvuõdid. Historlaž jee'resvuõdâst huõlkâni vuei'ttep õõutsââ'jest oudâs viikkâd määngkulttuursaž Lää'ddjânnam.

Hâ't maai'lm odd teknlaž vuäittmõõžžin mie'ldd äimm da pue'ttep pâi'âlddlab kuei'mm kuei'meen, mee'st liâ jânnmest še näkam jee'res kruugg, kooi lää'ddmaai'lm kærttõ'sse ij čaagg jee'resnallšemvuõtt, kulttuursaž määngvuõtt da kiõli ke'rjjõs.

Tij vääžnai täävtõs - Sajos – lij čuäjtõs tõi'st, što Lää'ddjânnam sää'mnarod keäčč puõ'ttiäi'j čuõvnam čõõ'lmin da i'bbes vuä'ssen lij še määngkulttuursaž kiččmõs jânnma.